

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA TATU

KIKAO CHA NNE

22 APRILI, 2016



ORODHA YA SHUGHULI ZA LEO

MKUTANO WA TATU

KIKAO CHA NNE – TAREHE 22 APRILI, 2016

I. HATI ZA KUWASILISHA MEZANI:

WAZIRI MKUU

Hotuba ya Bajeti ya Ofisi ya Waziri Mkuu kwa Mwaka wa Fedha 2016/2017.

MWENYEKITI WA KAMATI YA KATIBA NA SHERIA:

Taarifa ya Kamati ya Katiba na Sheria kuhusu utekelezaji wa Majukumu ya Ofisi ya Waziri Mkuu kwa Mwaka wa Fedha 2015/2016 pamoja na maoni ya Kamati kuhusu Makadirio ya Mapato na Matumizi kwa Mwaka wa Fedha 2016/2017.

MWENYEKITI WA KAMATI YA MASUALA YA UKIMWI:

Taarifa ya Kamati ya Masuala ya UKIMWI kuhusu utekelezaji wa Majukumu ya Ofisi ya Waziri Mkuu (Tume ya Uratibu na Udhibiti wa Dawa za Kulevya na Tume ya Kudhibiti UKIMWI) kwa Mwaka wa Fedha 2015/2016 pamoja na maoni ya Kamati kuhusu Makadirio ya Mapato na Matumizi kwa Mwaka wa Fedha 2016/2017.

MSEMAJI MKUU WA KAMBI YA UPINZANI KUHUSU OFISI YA WAZIRI MKUU:

Taarifa ya Msemaji Mkuu wa Kambi ya Upinzani kuhusu Ofisi ya Waziri Mkuu juu ya Makadirio ya Mapato na Matumizi ya Ofisi hiyo kwa Mwaka wa Fedha 2016/2017.

II. MASWALI:

OFISI YA WAZIRI MKUU:

31. MHESHIMIWA KHALIFA MOHAMMED ISSA (MTAMBWE):

Atamuuliza Mheshimiwa Waziri Mkuu:- Dawa za kulevya nchini zimekuwa na athari kubwa sana kwa Wananchi wetu hususan kundi la vijana ambao ndio nguvu kazi ya Taifa:-

- (a) Je, Serikali haioni kuwa kwa kutumia vyombo vyake inaweza kubaini watumiaji, wauzaji mpaka vigogo wanaoingiza na kusambaza dawa hizo nchini;
- (b) Je, Serikali ina mpango gani wa dhati wa kuwaweka Waathirika wa madawa ya kulevya katika makambi maalum ya kuwatibu na hatimaye kurudi katika hali yao ya kawaida.

OFISI YA RAIS (TAMISEMI):

32. MHESHIMIWA SALMA MOHAMED MWASSA (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):- Miongoni mwa changamoto zinazokwamisha kuleta tija katika ukusanyaji wa kodi kwenye Halmashauri zetu ni pamoja na ubutu wa Sheria ndogo ndogo (by laws):-

Je, ni lini Sheria hizo zitarekebisha ili zilete tija katika ukusanyaji kodi.

33. MHESHIMIWA AIDA JOSEPH KHENANI (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):- Suala la madai ya Walimu nchini limekuwa ni tatizo sugu hususan kwa Walimu wa shule za msingi na sekondari:-

Je, Serikali imechukua hatua gani ili kumaliza tatizo hilo.

WIZARA YA NISHATI NA MADINI:

34. MHESHIMIWA ORAN MANASE NJENZA (MBEYA VIJINI):

Atamuuliza Mheshimiwa Waziri wa Nishati na Madini:- Halmashauri ya Mbeya ina vijiji vingi ambavyo havijapata umeme katika mpango wa REA na pia utekelezaji wa REA II uko nyuma sana:-

- (a) Je, ni vijiji vingapi vya Halmashauri ya Mbeya vimo kwenye REA II na mradi utakamilika lini;
- (b) Je, kwa nini mradi huo wa REA II haujalenga kupeleka umeme kwenye huduma za kijamii kama vile shule, zahanati, nyumba za ibada na vyuo;
- (c) Je, ni lini sasa vijiji vilivyobaki vitapewa umeme wa REA.

WIZARA YA ELIMU, SAYANSI, TEKNOLOJIA NA UFUNDI:

35. MHESHIMIWA BONIPHACE MWITA GETERE (BUNDA):

Atamuuliza Mheshimiwa Waziri wa Elimu, Sayansi, Teknolojia na Ufundi:- Wanafunzi wanaomaliza kidato cha sita na kupata fursa ya kujiunga na vyuo mara tu wamalizapo masomo yao huruhusiwa kutumia National Examination Results Slip kwa ajili ya taratibu za kujiunga na chuo:-

Je, kwa nini wanafunzi wanaomaliza stashahada katika vyuo mbalimbali na kutaka kujiunga na elimu ya juu wasiruhusiwe kutumia academic transcripts badala ya kutakiwa kuwasilisha vyeti halisi ambavyo huchukua muda mrefu kutolewa.

WIZARA YA KILIMO, MIFUGO NA UVUVI:

36. MHESHIMIWA NEEMA WILLIAM MGAYA (VITI MAALUM):

Atamuuliza Mheshimiwa Waziri wa Kilimo, Mifugo na Uvuvi:-

Lini Serikali itatatua kero ya pembejeo za kilimo kutofika kwa wakati katika Kata za Kipengele, Wangama, Igima, Ulemwe na Makoga.

WIZARA YA MAMBO YA NJE, USHIRIKIANO WA AFRIKA MASHARIKI, KIKANDA NA KIMATAIFA:

37. MHESHIMIWA HAFIDH ALI TAHIR (DIMANI):

Atamuuliza Mheshimiwa Waziri wa Mambo ya Nje, Ushirikiano wa Afrika Mashariki, Kikanda na Kimataifa:- Baadhi ya Watanzania wanajitafutia maisha katika nchi mbalimbali duniani na wamepata maendeleo katika sekta mbalimbali:-

- (a) Je, ni Watanzania wangapi wanajulikana rasmi kuwa wako ughaibuni, wanachangiaje maendeleo ya nchi yao na kwa kiasi gani;
- (b) Je, ni Watanzania wangapi wakiwemo kutoka Tanzania Zanzibar ambao hawakufuata taratibu walipoondoka lakini balozi zetu zina taarifa ya uwepo wao kwenye nchi hizo.

WIZARA YA UJENZI, UCHUKUZI NA MAWASILIANO:

38. MHESHIMIWA TUNZA ISSA MALAPO (VITI MAALUM):

Atamuuliza Mheshimiwa Waziri wa Ujenzi, Uchukuzi na Mawasiliano:- Serikali inatambua umuhimu wa barabara, na barabara inayounganisha Mtwara Mjini, Nanyamba, Tandahimba, Newala hadi Masasi haipitiki vizuri wakati wote na hivyo kuwafanya Wananchi waone kama wametengwa na Serikali yao:-

Je, Serikali ina mpango gani wa kujenga barabara hiyo kwa kiwango cha lami.

39. MHESHIMIWA JEROME DISMAS BWANAUSI (LULINDI):

Atamuuliza Mheshimiwa Waziri wa Ujenzi, Uchukuzi na Mawasiliano:- Kulikuwa na ahadi ya Serikali ya kujenga Minara ya Mawasiliano katika mpaka wa Tanzania na Msumbiji:-

- (a) Je, ni lini wananchi wa Kata ya Mchauro, Mkundi na Sindano watajengewa minara ili kurahisisha mawasiliano;
- (b) Je, ni utaratibu gani unaotumika ili waliotoa maeneo yao na kijiji husika wapate ushuru kutoka kwenye Kampuni iliyojenga Mnara.

**40. MHESHIMIWA JOSEPHINE JOHNSON
GENZABUKE (VITI MAALUM):**

Atamuuliza Mheshimiwa Waziri wa Ujenzi,
Uchukuzi na Mawasiliano:-

Je, lini barabara ya Kidahwe – Kasulu – Nyakanazi
itakamilika kwa lami.

III. HOJA ZA SERIKALI

WAZIRI MKUU

Kwamba, Bunge likubali kupitisha Makadirio ya Mapato
na Matumizi ya Ofisi ya Waziri Mkuu kwa Mwaka wa
Fedha 2016/2017.

**DODOMA
22 APRILI, 2016**

**DKT. T. D. KASHILILAH
KATIBU WA BUNGE**